



駱翁集

半唐丁橐

劉福姚題

半塘丁稿

鶯翁集

丁酉



鵲蹋枝

馮正中鵲蹋枝十四闋鬱

伊愔悅義兼比興蒙耆誦
焉春日端居依次屬和就
均成詞無關寄託而章句
尤爲淩襍憶雲生云不爲
無益之事何以遣有涯之

鶯

生三復前言我懷如揭矣
時光緒丙申三月二十八

日錄十

落蕊殘陽紅片片懊恨比鄰盡日流鶯轉
似雪楊花吹又散東風無力將春限 慵
把香羅裁僂面換到輕衫歡意垂垂淺襟
上淚痕猶隱見遂聲催按梁州遍

斜日危闌疑竚久問訊花枝可是年時舊
濃睡朝朝如中酒誰憐夢裏人消瘦 香

閣簾櫳煙閣柳片雲氤氳不信尋常有休
遣詞筵回舞袖好裏珍重春三後

譜到陽關聲欲裂亭短亭長楊柳那堪折
挑菜湔裙春事歇帶羅羞指同心結千
里孤光同皓月畫角吹殘風外還嗚咽有
限墜歡爭忍說傷生第一生離別

風蕩春雲羅樣薄難得輕陰芳事休間卻
幾日唬鶻花又落綠牋莫忘深深約不老
去吟情渾寂寞細雨簷花空憶燈前酌隔

鷺

院玉簫聲乍作眼前何物供哀樂

漫說目成心便許無據楊花風裏頻來去
悵望朱樓難寄語傷春誰念司勳誤枉
把游絲牽弱縷幾片間雲迷卻相思路錦
帳珠簾歌舞處舊歡新恨思量否

晝日愀愀驚夜短片霎歡娛那惜千金換
燕睨鸞顰春不管敢辭絃索爲君斷隱
隱輕雷聞隔岸暮雨朝霞咫尺迷銀漢獨
對舞衣思舊伴龍山極目煙塵滿

望遠愁多休縱目步繞珍叢看筍將成竹
曉露暗垂珠粟綴芳林一帶如新浴 簷
外春山森碧玉夢裏驂鸞記過清湘曲自
定新絃移雁足絃聲未抵歸心促
誰遣春韶隨水去醉倒芳尊忘卻朝和暮
換盡大隄芳草路倡條都是相思樹 蠟
燭有心燈解語淚盡唇焦此恨消沈否坐
對東風憐弱絮萍飄後日知何處
對酒肯教歡意盡醉醒慊慊無那怏春困

鶯

錦字雙行牋別恨淚珠界破殘妝粉 輕
燕受風飛遠近消息誰傳盼斷烏衣信曲
几無繆閑自隱鏡奩心事孤鸞鬢
幾見花飛能上樹難繫流光枉費垂楊纒
箏雁斜飛排錦柱只伊不解將春去 漫
詔心情黏地絮容易飄颺那不驚風雨倚
徧闌干誰與語思量有恨無人處

百字令 櫺湖別墅先世小築也其

地面山臨湖有臨水看山

樓石天閣竹深畱客處疏

香老圃諸勝朱濂甫先生

作記見涵通樓師友文鈔

中天涯久住頗動故園之

思黯然賦此將倩恆齋丁

丈作湖樓歸意圖也

柰湖深處有小樓一角面山臨水記得兒

時嬉戲慣長日敲鍼垂餌萬里羈游百年

老屋目斷遙天翠寄聲三逕舊時松菊存

鶯

未 昨夢笠屐溲娑沿綠溪路迴柳陰門

閉林壑似聞騰笑劇百計不如歸是繭縛

春蠶巢憐越鳥翫憐人間世焉能鬱鬱君

看鬢影如此

夜飛鵲看花崇效寺闋青松紅杏

卷題名數逝傷離感而有

作

尋春鳳城曲攜酒年時春恨漸滿芳菲前

游細數幾人在重來名字愁題殷勤醉花

處倩鸞簧寫怨譜入參差顛毛換盡甚東
風祇裊芳枝莫到西來閣平作上煙絮近
昏黃愁遍天涯爲問司勳老去傷春傷別
刻意緣誰落紅糝徑看閒房僧掩斜暉歎
無多殘醉鐘魚喚醒徒倚忘歸

卜算子影照小像倩頰生作圖先

之以詞

構景未須奇要稱蕭閑我邱壑中間謝幼
輿此意平生頗湍急倩山攔峯削將雲

鷺

裏雲淡山虛水自清終老斯鄉可

霓裳中序第一古銅爵釵爲樊老

作

香斑認未滅喚醒昭陽古春色消受螺鬆
黛怯幾對舞青鸞籠雲愁滑妝梅點額話
唐宮影事如雲凝情久花梢褪粉輸與夢
中蝶愁絕翠銷金蝕卮夏問玉環圓缺
沈沈簾底舊月似照雙棲交股重疊清歌
敲欲折暗搔遍吟邊短髮東風老二喬深

鎖笑向杜郎說

徵招德甫改官白下作燕臺贈別

金陵攬勝二圖見意瀕行索

題爲賦是解

煮茶聲裏官簾靜秋堂記聯吟侶

癸巳同事京兆

試闈爲識德甫之始

風雨幾長歌漫歲華如許送人

猶未苦最苦送春隨人去黯黯離情爲君

唱徹吳郎愁句前路好山多鞭絲颺歷

鷺

歷南徐北固酒醒憶觚棱定情牽燕樹登

臨休弔古試靜夜然犀江渚怒濤捲海氣

猶腥隱石城龍虎疏影譙君之歿九年所矣遺櫬猶

旅寄蕭寺中以諱辰與先

夫人同日前期設奠厝室癸

巳初夏嘗得嫁得黔婁三語

哀甚未能成章偶憶舊句續

譜此詞不知涕泗之何從也

流光電駛歎翠尊醉處幽恨同積去嫁得

黔婁身後飄零休問生前百事春光老去
棠梨死算何止薶憂無地看枝頭鵲血斑
斑似解替人垂淚 寂寞重門深鎖露苔
點徑滑塵碣烟委滿目青山何處歸雲悵
望窅波慵禮明朝風雨皋魚泣是慣見檀
郎愁悴屬苾芻輕打齋鐘漫遣斷魂驚墜
阮郎歸擬浣花

雛鶯唬老怨春殘餘香襟袖殷朱絃辛苦
再三彈心期深訴難 金鴨冷黛蛾攢依

鷺

依山上山將離花好自愁簪由他紅半闌

浣溪沙題丁兵備文畫馬

首帶闌干滿上林西風殘秣獨沈吟遺臺
何處是黃金 空濶已無千里志馳驅枉
抱百年心夕陽山影自蕭森

紅情葦灣觀荷與乙盒分賦紅情

綠意

橫塘煙冪正茜裳玉佩弄香瑤席相對相
當不是佳人也傾國休問淩波舊影消瘳

損一棱圓碧祇閑閑鷗鷺忘機雲水任寬
窄脈脈黯悽惻乍亂蟬送秋別愁如積
擬乘太乙喚起潛魚聽吹遂漫倚桃根畫
槳將迎處翠陰愁夕歎漠漠洲渚遠寄情
未得

附乙盃比部同作

豔霞停鏡遣碧筒傳釀蓮臺翻令風約
生衣香浣輕紗依舊涉江風景鬢絲已
逐哀蟬化夢不到鷺涼鷗靜任無邊水

鷺

佩風裳倦眼迷離愁省

艇子踏波去

好昔遊似夢裏山河心影惹苦難甘絲
拘還連不轉妙香根性西來秋色看如
此料前度雨聲催聽付沙禽漫畫紛紛
又近夕陽煙暝

右調
綠意

高陽臺

羅襪侵塵翠綃封淚星河慵訊秋期十二
巫峯夢闌雲雨霏微猩紅漫說秋棠豔問
年年腸斷誰知算何如花是將離草是相

思玉纖禁否西風冷想深閨刀尺應怯
瓊絲熱遍旃檀多生難懺情癡瑤階玉輦
春如水記夜寒吟袖同支看籠煙一抹遙
山愁鎖修眉

摸魚子 乙盃贈詞有瓊樓玉宇之

語依調奉畚并寄仲弼

甚人天風埃蒼莽蓬山知在何許麻姑儘
見滄桑慣背蚌幾曾搔取休弔古歎夢也
驚心前度修羅雨殷勤月戶問八萬三千

鷺

碧流離裏修卻廣寒否 煙霞表珍重故
人延竚羅襟清淚空汙家山舊說煙蘿闕
愁入娥眉蠻語揮手去祇淨得聞根便結
團瓢住瓊樓玉宇擬枕借遊仙遽遽栩栩
期爾黑甜路

念奴嬌 北湖雨泛同叔嶠

支離倦眼早閉門飛夢雲水光中問訊閑
漚應見慣十年能幾扶筇露葉傾珠玉莖
搖佩涼意鎮惺忪黛痕低壓吟懷淒斷遙

峯誰與喚醒頑雲扣舷花底高詠水晶
宮倩影亭亭嬌欲泣撩人秋信匆匆避棹
魚頰掠波燕紫蘋末乍迴風衝泥歸路短
轅愁入塵紅

小重山令謝李髯見和葦灣之作

誰采芙蓉寄所思蒼茫愁獨立澹忘歸碧
天如水乍晴時蒹葭晚花夢故依依閒
弄玉參差聽君歌一曲儘淒迷拗蓮難斷
藕中絲吟望渺空外野漚飛

鷺

虞美人

扶頭兀兀長如醉諳盡愁滋味不知那處
得歡多依約危樓燈火有笙歌十年一
覺東風諾薄倖誰贏卻春波影事恨迢迢
聞道驚鴻來下便魂銷

鷓鴣天

笑裏重簪金步搖鸚哥學語儘能嬌祇愁
淡月朦朧影難驗微波上下潮
燭三條東風從此得愁苗靈蕤秘記分明

在回首神峯萬仞高

齊天樂伯華惠題拙集依調奉酬

并示子蕃

青銅霜訊先秋至吟邊鬢絲愁裊竚月清
琴囊詩古錦費卻精神多少孤懷暗惱祇
冷雁哀蟬有時同調白眼看天榆枋莽蒼
任昏曉人生憂始識字料君衣帶孔應
也移了說鬼忘疲似人亦喜好是冥情物
平作表江南賀老問斷盡詞腸奈他愁抱不

驚

見成生逃禪拚醉倒

十拍子同人集天甯寺餞叔衡用

泰西法照像是集會者十

人照成命日晉寺題襟圖

系之以詞

風日琴尊自適形骸爾汝都忘眼底誰憐
天下士醉裏無何別有鄉鬢眉驚老蒼
漫說空中色相最難塵外徜徉領取題襟
珍重意那不江湖引興長驪歌悲未央

蹋莎行

荷淨波涼草枯塵細一年最是秋容易生
憐花鴨儘能言橫塘冷暝眞知未落莫
吟情刁騷涼吹耽閑偏識愁滋味白波浩
蕩指鷗天紅闌卅角秋無際

謁金門

涼恁早夢冷被池驚覺瘦影如花羞自照
素娥知不道愁問玉關芳草何日玉關
人到鏡約釵盟言總好尾生誰是了

驚

憶舊遊夔生寄詞問訊依調代柬

儘沈吟攬鏡惆悵憑闌愁裏關河巖桂飄
香屑底雁邊秋信儂處偏多夢中認得歸
路淨綠渺湘波歎吹映光陰彈棋心事能
幾消磨嫦娥漫斟酌說清淺蓬萊依樣
笙歌浩蕩孤雲外想百年青鬢汝亦輕幡
故山猿鶴無恙生計問漁蓑好畱取巉巖
題名遲去我牽薜蘿夔笙以近刻定
林題名見寄

附夔笙舍人元作

記衝寒側帽隔雨飄燈同巷相過苦恨
催歸去是回闌那角花影斜趁茂陵不
勝清怨彈淚向誰多更笛裏浮雲尊前
流水遺恨銅駝驪歌甚無謂恁草草
分攜如此關河北雁傳消息也安排琴
劍一櫂煙波客途未應如我吟事莫蹉
跎正匝地蟲聲霜天慘碧愁素娥

減字木蘭花

婆娑醉舞呵壁無靈天不語獨上荒臺秋

八聲

色蒼然自遠來 古人不見滿目荆榛文
字賤莫莫休休日鑿終爲渾沌憂

八聲甘州 九日東夢湘有懷道希

子苾

甚風塵纔慰別離心無端又悲秋記年時
勝賞疏林古寺落日荒邱回首故人何處
襟上酒痕畱自把茱萸看負了盟鷗莫
倚西風破帽怕黃花消瘦戴也應羞祗闌
干彖曲不斷似清愁送飛鴻暮天莽蒼便

憑高誰與豁吟眸
休延佇望浮雲外
西北高樓

南鄉子 槐廬書來舉似夔笙近詞

春瘦歸休儂定歸何處之

句若不勝其淒咽者譜此

爲二君解嘲

聽唱懊儂歌瘦損東陽值幾何
天地無情人有恨知麼春去春來且任他
取醉莫蹉跎
哀樂縱橫似擲梭
來日大難眞早計

驚

呵呵今日騰騰任運那

點絳脣

一夕西風堆簷黃葉知多少
亂鴉嗁曉歸
夢屏山繞
坐憶粘園三徑應荒了
東籬悄斷煙衰草
靜夜潛虬嘯

賀新涼 辛峯至自汴梁出示所作

和稼軒詞數十篇讀之喜

不自禁即用稼軒均題此

索和辛峯將就鹽官於淮

南以覲事漸留度歲離合
之感雖不能無慨於中而
風雪聯床歌聲相奮此樂
亦平生得未曾有也

心事從何說算平生等閒消盡酒漿裘葛
回首麻衣十年恨淚盡隴山水雪黯循遍
絲絲華髮何物向禽兒女累負歸雲夢杳
瀧岡月聽夜雨共蕭瑟 暫時攜手還輕
別望江湖風塵瀕洞星萍離合一度相逢
一 回老冷語凄然砭骨且莫對寒檠愁絕
四海子由眞健者慣商歌斫地錚如鐵霜
竹冷爲君裂

附辛峯和作

往事從頭說記年時天涯揮手恨牽蕭
葛萬里橫吹羌遂冷惻惻麻衣衝雪問
誰恤孤兒毫髮滴盡永思堂下淚悵飢
來負卻杉湖月望水木空明瑟 十年
幾度傷離別黯銷魂沙平水遠凍雲斂

合骀麟風塵青鬢改暗裏銷磨俠骨乍
夜雨聯床清絕底事文章矜氣節看錚
錚冷面眞如鐵聽鳳管石天裂

木蘭花慢 今年春日頗動故園之

思嘗倩恆齋丁丈繪湖

樓歸意圖并賦詞寄興

既而歸不可遂而恆齋

出守畫亦不可得頃閱

辛峯詞有用稼軒翠微

鷺

樓均題惝湖別墅一闕

林容水態梅繪逼眞益

令人根觸不已故鄉風

訊咄咄逼人南望清灘

正不獨一邱一壑繫人

懷抱依均屬和辛峯其

知我悲也

童遊牽夢慣矧占斷好湖山記習靜觀魚
偷閑飼鶴少日花間憑闌舊人漸老甚青

紅猶說舊雕闌萬里驚心南望亂峯雲鎖
愁鬢 畫圖空向句中看誰與證清歡恁
蕭颯秋聲漸催霜訊冷逼江關煙巒倩誰
寄語問晨猿夜鶴可相安但遣林亭無恙
梅花儘耐春寒

附辛峯和作

天南措客眼且對酒說家山盼一曲清
灘四圍綵嶂依約雲間秋霜暗驚信早
甚魚龍吹浪幻層闌莫笑雨婚煙嫁望

驚

中誰整螺鬟 江山休更等閒看脈脈
戀清歡乍夜氣浮空愁心千疊夢繞鄉
關山中故人健否漫出門西笑望長安
寂寞嶺梅開處春風珍重餘寒

沁園春 島佛祭詩豔傳千古八百

年來未有爲詞修祀事者
今年辛峯來京度歲倡訓
之樂雅擅一時因於除夕

陳詞以祭譜此迎神而以

送神之曲屬吾弟馬

詞汝來前酌汝一杯汝敬聽之念百年歌
哭誰知我者千秋沈澹若有人兮芒角撐
腸清寒入骨底事窮人獨坐詩空中語問
綺情懺否幾度然疑 玉梅冷綴苔枝似
笑我吟魂盪不支歎春江花月競傳宮體
楚山雲雨枉託微詞畫虎文章屠龍事業
淒絕商歌入破時長安陌聽喧闐簫鼓良
夜何其

驚

附辛峯和作

舉酒送君對此茫茫君去何之歎斜陽
煙柳幾人遣此曉風殘月懺爾魂兮望
裏關河吟邊心事商略閒愁剩鑄詩舍
情久乍寒催臘鼓驚聽還疑 春光似
透南枝好收拾風裏強自支甚江湖夢
醒未消綺語屏山路阻愁織清詞莫向
金尊漫敲檀板知否歌喉要入時歡逢
處認樓頭花萼風信何其

又代詞畵

詞告主人醜君一觴吾言滑稽歎壯夫有
志雕蟲豈屑小言無用芻狗同嗤擣麝塵
香贈蘭服媚煙月文章格本低平生意便
俳優帝畜臣職奚辭 無端驚聽還疑道
詞亦窮人大類詩笑聲偷花外何關著作
情移笛裏聊寄相思誰遣方心自成舌舌
翻訝金荃不入時今而後儻相從未已論
少卑之

驚

一萼紅唐花

占春陽恁番風未試紅紫燦成行冷宦心
情斜街煙月殷勤點綴年光試窺取娉婷
倩影似嬌慵無力困新妝臘鼓聲中錦旂
風裏誰與平章 好是金張門第幾簾深
護玉酒暝浮香鶴夢方酣蝶魂猶螫知佗
春爲誰忙煩寄語雪中高士漫百花頭上
傲孤芳冷落柳邊青眼待臘舒將

附辛峯和作

倚斜陽正苔痕皴碧濃豔乍成行巧賭
銷金香憐炷麝翻成別樣韶光任桃李
春城爛漫競紛華一例謾凝妝莫更關
心梅花開落寂寞含章收拾吟邊冷
眼儘暮寒騷屑顛取繅香綺疊樓臺銀
鋪燈火也知不爲春忙鎮凝想維摩方
丈快天風一霎散芬芳指點畫闌深處
珍重凭將

滿庭芳除夕同辛峯守歲作

驚

十

頌酒椒馨飮盤餚嫩年華爆竹聲中小窗
春意花影入燈紅俯仰百年身世飛騰倦
爛醉都慵還堪慰天涯兄弟冰雪一尊同
歡悰思少日據牀喝雉撥火然松甚繞
膝都盧翻惱兒童剩遣吟邊心眼梅柳外
省識東風春聲動六街車馬催趁景陽鐘
摸魚子丁酉正月二日立春

倚雕闌玉尊親酌今年春定多許東風悄
逐年光轉芳訊未應遲暮春且住更休把

萬千紅紫輕分付憑高望取儘放盡青青
天涯草色沒卻燒痕否憑誰省貼燕黏
雞情緒九衢何限簫鼓渲桃染柳尋常事
顛倒春城兒女間自數只夢裏尋芳解識
山香舞吟情浪苦縱寂寞劉郎惜香心在
誰問舊花譜

滿江紅 辛峯生日

二十年來曾幾度壽君卮酒風信轉春融
月朗帝城燕九吉語快摹臣去疾好花同
祝人長壽憶向來寂寞看雲心眼清晝
金石均墳篋奏春正永杯親侑數歡情儘
勝等閒攜手帶水簪山曾有約白鬚紅頰
長相守對玉梅珍重說心期花麈否

金縷曲 十髮盒橫覽圖爲于大通

守作

底處容橫覽乍披圖光搖銀海濤崩雲幻
嘯倚長風歌楚些卮管魚龍驚眩似聞道
蓬萊清淺不是才人工綺語問壯懷飛動

憑誰遣強半是淚痕泣 卅年瓢笠游情
倦黯風塵關河極目寄愁天遠消盡輪蹄
多少鐵算只華胥堪戀漫輸與江山題遍
老去維摩思面壁任雲煙過眼空禪觀中
有語待君轉

長亭怨慢六月二十五日泛舟葦

灣有感而作

泛一舸鬧紅深處離緒年年斷魂波路明
鏡窺妝輕漪送馥暫容與酒人星散誰共

驚

我花間住新恨渺滄洲更蘋末驚颺如訴
凝竚聽哀蟬怨咽似說陰晴無據橫塘
夢影最難忘窈芳前度料今夜玉遂飛聲
定吹墮涼雲如雨怕寂寞闌干閒了江南
愁句

月華清中秋柬次珊

望遠供愁吟秋似訴迢迢清漏初轉容易
年華又是桂輪光滿看九霄圓缺無心甚
萬里露生能變璀璨問浮雲捲處可消絃

管 蜃彩迷離休炫試認取高寒瓊樓天
半老蚌胎圓枉費鮫人淚點快相期汗漫
乘風把衣袂京塵齊澣如願漫等閒頁卻
酒瓢詩卷

采桑子題駕老三十歲照

丰姿濯濯靈和柳聞說當年人望如仙思
曼風流乍眼前卅年撰杖從遊晚依約
眉山笠屐蒼然顧影知公欲放顛

八聲甘州九日招同理臣次珊古

驚

微登高小集約拈是解

甚無風無雨到重陽騷屑尚關懷向郊原
散策斃隨鐘梵同上崔嵬莫訝東籬岑寂
戲馬亦荒臺快縱高樓目秋色佳哉休
問明年誰健祇尊前點檢離緒紛來睽故
人天末絲竹寫清哀歎浮漚百年身世算
升沈無據且銜杯須拚醉正涼蟾午笑口
齊開

祝英臺近不寐

捲羅帷歛繡枕涼月夜窗到響促金輪鐘
點再三報難忘舊日花間迴燈添酒鎮惆
悵玉繩輕曉夢雲香一般醉不成眠風
情異年少顧影徘徊燈蕊弄孤照誰知滿
目風塵華胥宛在看栩栩蜨魂清悄

滿江紅

郟兒爲余卜生壙於譙君

墓次賦此以志他日當遍
徵同人和作刻之山中爲
半塘增一故實似視螭背

驚

豐碑風味差勝也

笑揖青山便從此雲歸也得試認取半塘
東畔峯巒關陶令未開三益逕扈君早
辦千秋宅更無煩記前告山靈應相識

碑漫擬征西勒塚未近要離側祇隨宜呼

取酒人詞伯

與雷酒人及詩人黃香圃墓皆相距不遠

地下竟

償借隱願塵緣何日勞生息和長吟神往

白楊風秋蕭瑟

漢扈君碑文曰持節使者北宮衛令扈君千秋之宅

建武二十八年五月丙午
工李邑作見蘆浦筆記二

翠樓吟 吳秋農爲作湖樓歸意圖

用石帚自製曲題此蓋有

會於感昔傷今之語也

積翠堆簷輕紅搖浪樓臺現來彈指君從
何處得怪毫末清妍如此依依松桂似喚
客山靈撩人霞思焚香對天涯回首舊家
情味 最是門掩雙榕負五湖鷗約主人
知未十年塵土面乍招我尋盟雲水孤吟
誰會悵蔣徑蓬蒿吳艤迢遞闌干外參差
疑有夢痕低綴

驚

水

更漏子

菊初黃楓乍赤依舊去年秋色回翠袖掩
紅冰鸚慵喚不鷹 眷餘歡消綺語惜取
尊前金縷雲葉亂月華生歌聲分外清

摸魚子 以彙刻宋元人詞贈次珊

承賦詞報謝即用原調訓

之

莽風塵雅音寥落孤懷鬱鬱誰語十年鉛

槩殷勤抱絃外獨尋琴趣堪歎處恁拍到
紅牙心事紛如許低徊弔古試一醉前修
有靈詞客知我斷腸否 文章事覆瓿代
薪朝暮新聲卹辨鐘缶憐渠抵死耽佳句
語僂驚人何補君念取底斷譜零縑畱得
精神住停辛佇苦且醉上金臺酣歌擊筑
襍還任風雨

念奴嬌 玉佩一事長二寸弱寬半

之盤螭宛轉中刻瑤草二

驚

小篆疑爲馬士英故物紀

之以詞吾家又藏士英畫

扇儷以周延儒書皆足供

好事一粲也

夢華遺恨話南朝影事誰教玉碎漫擬苔
華鐫宛轉腹草家瑤云爾製想牙牌臭餘
腰玉名字參差是沙蟲江上未隨塵劫輕
委下贏得圖畫飄零玉瑛塗抹辱及桃根
妓扇底曾窺名印小篆勢殷殷猶記射馬

謠新用牛語謔塵垢難磨洗梅花冠劍只
今光照淮水

金縷曲謝士修贈菊

獨對黃花笑笑年來花慵似我未忺開早
費盡東籬催花句才見一枝霜曉訝鶴骨
磷磷清峭插鬢自憐雙影瘦底旁觀忽被
淵明惱道孤負秋光了 瓦盆分遺長安

道似酸寒腐儒叢裏延來二妙敵虎蟹螯
如龍酒差稱此花風調問輸與春紅多少

鷺

淡到秋心偏爛漫要生機突兀將霜傲拜
君惠幾傾倒士修謂花有喜意人皆知之
然尤以怒勝蓋謂生氣遠出
不可遏抑也
其語甚新

鷓鴣天檢得鶴公遺札皆商榷文

字書也愴念今昔感歎成

篇

塵海蕭寥說賞音年時翦燭夜堂深陳思
敬禮言如在流水高山感不禁 抽斷簡
拂香蟬性靈披豁憶題襟夢中割盡邱遲

錦一夕悲秋雪滿簷

高陽臺十月九日西爽閣展登高

同子美筱芸遽父

烏帽欹塵黃花欸客良辰醉豈無名不放
秋殘闌干高處同凭年來萬事灰人意只
看山雙眼還青最堪憐多病登臺杜老心
情矜嚴一飭君休笑問幾人解道願醉
愁醒鬢底霜華知他關甚霧姓塞鴻莫更
驚寒切筭秋聲今後誰聽倚天風廣樂如

驚

聞雲外韶韻

玉樓春擬鍾隱

蓬山桃熟傳開宴青鳥欲窺珠幕遠導師
何幸遇飛瓊下界居然容曼倩神清紫
府分明見辭壁光輝生玉篆新銘不搨五
雲書絳縷絲絲縈恨遍

齊天樂讀金陵詩文徵所錄疇丈

遺著感賦

一從玉局飛仙去清琴久塵淒調落月牽

愁驚濤撼夢誰訪茂陵遺稿虛堂夜悄尚
彷彿平生掀髯悲嘯莫賦招魂惹他幽恨
到華表 堂堂忠孝大節叢殘文字裏誰
證孤抱郭泰人師灌夫弟畜慚負鍼砭多
少玄亭夢杳歎我亦無端鬢絲衰早彈淚
西風霜空孤鶴渺

瑞鶴仙影寄酬瑟軒南甯

十年消息南鴻渺天涯禁慣離緒尺書無
恙廉泉快酌使君良苦城南聽雨早忘了

鷲

花間俊語話前游分牋拜石與疇文鶴公
聯吟舊事

鄰笛乍淒楚 誰料分裾後人事音書寂
寥如許彝歌數起夢難尋武陵源路怪得
新詞也惆悵庭槐獨撫共清光落月挂柳
夜向午

祝英臺近古微見示新作吟諷不

能去口依均成此不足

言和也

裏藏鉤花覆局一一墜歡記箏雁塵封慵

覓箇人字是誰玉遂飛聲星辰昨夜又容
易夢雲吹起憶前事爭信冷落琴心相
如倦游矣吹絮拈花愁多懺無計早知中
酒光陰困人如此悔輕到碧油簾底

附古微太史元作

燭花涼爐穗歇半面隔簾記羅扇恩疏
消得錦機字絕憐寬褪春衫窄偎秋被
楚雲重夢扶不起酒邊事因甚一夕
離愁潘鬢竟星矣相憶無憑相憐又無

驚

計願將心化圓冰層層摺摺照伊到畫
屏山底

又疊均酬仲淵

綠苔侵紅杏鬧新恨有誰記易繡鴛鴦難
繡合歡字那時羅帶圍風扇紈規月已知
是彩雲將起鏡中事依然眉語能通春
夢也闌矣金縷花枝醒醉總隨計問他銀
押雷香紅腔換拍算何似織綃泉底

浣溪沙會經堂夜雪口占

碎玉玲瓏折葉聲
虛堂寒沁夢難成
風簾官燭淚縱橫
成句破曉暗迷窗
紙白酤春空負地
爐青五年吟事玉樓清
癸巳十月亦看雪於此

鷺

卅

周知集

半唐戊稟

朱祖謀題

半塘戊稿

臨桂王鵬運佑遐

蝸知集

戊

燭影搖紅

用王晉卿均同次珊夢
湘韻珊再雲伯香作是

爲戊戌詞社第一集

吟袖年年酒邊頻試春寒淺倦歌殘醉尚
曹騰驚又年光轉笑索梅花漸慣喜巡檐
橫枝倩盼試燈天氣擊筑心情除伊窺見

蝸

側帽臨風搔餘霜鬢還愁短新聲催換
共誰聽惆悵蓬山遠可是春雲聚散黯關
河愁生望眼那堪回首昨夜星辰舊家庭
院

好事近 疊韓仲止均

心事阿誰知記把茗華親刻解惜綠窗幽
夢有堦前新月 年年花底說畱春贏得
是追憶聞道今年春閨問番風消息

臨江仙 夢得家山二語漫譜此詞

非同咸陟之占無事太人
之卜夢生於想歌也有思
皆不知其然而然也

歌哭無端燕月冷壯懷消到今年斷歌凄
咽若爲傳家山春夢裏生計酒杯前 茅
屋石田荒也得夢歸猶是家山南雲回首
落誰邊擬呵湘水壁一問左徒天

醉落魄用薛叔載均

長懷無著離憂調苦還慵作酒腸詩膽都

蝟

蕭索根觸愁心孤雁遠天落 愁來似與
春成約無言相對憐紅萼等間心事誰評
泊喚得春醒蝶夢總難覺

角招夔笙寄示新刻菱影詞見憶

之作一再不已而與吾弟唱
訓復有見稚霞如見幼霞之
語故人情重不可無以報也
即用竹西雪夜寄懷原調訓
之并寄稚霞

重回首君應不信梅邊風趣非舊黯然驚
別久幾度夢牽隋苑煙柳春愁儘有况節
物中人如酒待剪西窗夜燭怕今雨不堪
聽話巴山時候 倜傥庾郎賦就飄零也
說生比垂楊瘦墜歡君記否酒凝游塵依
然襟袖新詞入手更夢草心情輕逗莫負
簫聲月後好傳語卯君知杯同酌

新雁過妝樓

分調賦瞻園所藏雙
星渡鵲硯拈均得雙

蛸

字

星彩微茫琳腴嫩開函秋滿吟窗漫疑片
石天外有客攜將消得天孫離別恨玉蟾
淚滴儘淒涼任翱翔墨池影亂雁字分行
呼童幾回淨滌愛紫雲凝液紋錦舒章
算除鳳味誰更比翼文房恰他十眉捧處
要天上人間影總雙摩挲對畫屏間敞煤
麝畱香

眉嫵新月用碧山均

乍玉匳開匣雲幕垂鉤煙外弄新暝漫訝
銀蟾瘦婆娑意依稀叢桂香徑錦衾夢穩
數團圓如慰幽恨最憐是畫裏鸞環處襪
羅步雲冷 人世悲歡休問悵黛蛾愁畫
羞對明鏡待續纖纖曲初絃試宵闌誰翫
光景漏聲漸永看玉繩相倚斜正算能幾
當頭莫負隔花倩影

鬢唳序

辛峯寄示與張文午橋訓

唱近作依調賦寄並呈張

蝟

文

x

南雲又歸塞雁觸離懷未已掩虛幌聽雨
年年對床成約空寄試東望迢遙汗泗愁
心暗逐春潮尾任吟筒解訴相思怨歌慵
理 滿目風塵冉冉暗老剩孤筇倦倚省
新恨鷓鴣聲中斷紅驚又輕墜僂等閒傷
春怨別已消得司勳憔悴歎人生除是忘
情更無深致 綺懷渾嬾芳事猶遲况風
訊正鴈愁更憶竹西歌吹舊日尊俎賭酒

人非染衣香膩江天凝望秋笳側聽

淮海秋笳

集午橋詞社舊刻也

髯仙同向靈辰祝喜花間捧遍

高賢袂

坡公生日有詞

清愁黯黯爲君撚斷吟髭

暮雲鏡空如水

霜天回首濁酒澆詞拜

玉梅影裏漫惆悵清尊檀板負了華年話

到傷心祇拚沈醉驚寒語鶴迷煙幻蜃江

湖極目悲瀕洞怕長鏡無覓埋憂地儘教

清似冰

午橋齋名

試按新聲也應變徵

瑞鶴仙古微移居上斜街鄰顧俠

朔

君小秀野草堂即查查浦

故居也賦詞徵和因憶咸

同間吾宗龍壁翁居此時

適得王元章墨梅十二巨

幀遂榜其西齋曰十二洞

天梅花書屋事見龍壁山

房庚申集暨茂陵秋雨詞

藉廣古徵所未備并以譜

後之志東京夢華者俾有

攷勇

翠深天尺五認秀野風流銀灣斜處閑鷗
淡容與是百年見慣騷壇旗鼓春風胥宇
想生香梅花萬樹正南窗暝入橫枝約略
洞天雲古 凝竚朋箋韻事拄笏高情承
平簪組藤交蔭嫵誰共覓舊題句勸先生
莫忘玉壺觴我準備新詩賞雨怕窺檐一
角西山笑人自苦

百字令和仲淵似園小坐用玉田

蝟

均

餘寒猶滯甚槐街喧徧報晴鐘鼓芳節三
分都過二闌檻幾家春聚漁父桃花王孫
芳草休問年時路西山今日高樓心事無
數 那得卻掃如君不知許事自適閒中
趣老境閉門思種菜未要木奴千樹長劍
慵看酒杯擲下飛夢滄洲去化爲兩鳥忘
機共狎鷗鷺

附仲淵侍御元作

詩壇退了怕逢人重問當年旗鼓且向
牆東牢閉口容我琴尊歡聚勻石分花
移窗勒月小拓行吟路草堂新暝乳禽
飛下無數漫擬一葉扁舟如今滄海
都少煙波趣誰道司空生壙窄中有秦
源雲樹鏡裏湖山壺中身世似夢雲來
去狂歌天半幾時喚醒鷓鴣

又上巳前一日大雪戲疊前均

過春社了怪寒聲尚凝叢祠簫鼓誰遣青

蛭

春頭傻白笑對千峯螺聚燕剪裁冰鶯梭
織玉奇絕湔裙路柳圈誰試飛花渾不知
數爭信狡獪東皇要令紅紫也識清寒
趣賦筆華林誇巨麗還是等閒芳樹萬頃
瓊田三山瑤草耕欲呼龍去輕澌搖碧影
迷煙外翹鷺

鷓鴣天 咏燭

百五韶光雨雪頻輕煙惆悵漢宮春祇應
憔悴西窗底消受觀書老去身花影暗

淚痕新郢書燕說向誰陳不知餘蠟堆多
少孤注曾無一擲人

金縷曲送乙盦奉諱南歸即之武

昌帥幕

淚灑東門道悵淒淒麻衣去國寒深春悄
骯髒記傾燕市酒眼底幾人同調早換盡
中年懷抱風雪滄溟天萬里正波翻鼇軸
迷蓬島看子去恨多少南樓風月傳清
嘯望東南長城隱隱籌邊人老不見嚴詩
編杜集要遣沙場塵掃莫輕負江山文藻
儘有前期休重問暗摩挲銅狄心如擣吟
未已雁聲渺

蝶

摸魚子和友人春游詞

話春游依稀香影晴絲搖曳芳晝朝雲例
伴鬢蘇老儘要綺懷消受惆悵久歎我亦
卅年參不情禪透迎桃問柳竟輸與樓香
遽遽夢蝶花底鎮厮勾相逢處快喚吳
姬壓酒我歌君起爲壽芳菲滿眼渾無賴

鶯燕也應偏憖還信否祇說到消魂此恨
人人有花前月後算醉了休醒溫柔鄉裏
一笑覓開口

浣溪沙次均夢湘

春淺春深燕子知番風有信未嫌遲只愁
忘了海棠詩誰與禁持方夜雨等閒攀
折易空枝弄寒天氣惜花時

刻楮難工漫畫沙故人心事寄煙霞西堂
回首任天涯間對孤雲商去住坐看飛

蝶

鳥笑橫斜相期不負一春花

附夢湘太史元作

落拓心情酒不知水沈煙斷卷簾遲石
闌間煞舊題詩九陌塵香車似水斑
駝誰繫綠楊枝夢迴虛憶醉花時

北郭春流漾淺沙西山暝翠麗飛霞去
年歸燕隔天涯間倚晚風聽畫角屏
山脈脈夕陽斜病餘春信到梨花

又疊均富次珊

許事人間未要知杜鵑聲裏日遲遲
臣甫更無詩 身世相看原蠹蝨
文章何處不駢枝楚蘭腸斷獨醒時

萬里長風萬里沙晚晴消息散餘霞
百年趨起是生涯 短鐻未妨行處荷
戒香不放定中斜且拈新句酌新花

倦尋芳分調賦閨重三指韻得二

字

絆春婪尾補襖遨頭芳信猶滯曲水濺裙

蛸

十

未用詞誇月二佳約采香迷舊徑歲華紀
勝添新麗鳳樓西看如弓月小慣牽吟思
歎老去綺懷渾懶數到歡游前事慵理
難袂清愁那問好春餘幾又見青旗楊柳
外倦吟紅芍東風裏任輸他蝶魂癡夢迷
花底

王嶠詞曲水
濺裙三月二

探春慢春草用白石衰草愁煙均

離恨題江夢吟憶謝萋萋愁滿晴野燒淺
痕蘇雪融泥潤何處輕盈換馬三月江南

暮剩幾許閒情陶寫最憐抽盡萋紅萬千
心事如話 休問靡蕪舊徑重爲采餘香
幽怨盈把金谷園荒銅鞮歌冷游事不禁
春冷南北東西路付斷雨零煙高下醉不
成眠碧雲誰藉遙夜

齊天樂 匡山梅社圖爲瞻雲覺公

作人琴之感謂楊少文明
經也

舊游記識匡君面煙霞幾曾孤往生客慚

蝟

余遠公知我不遣歲寒盟爽人天供養正
玉照空山冷雲無恙行腳圖成定呼明月
荷鋤上人琴何限感觸草玄遺墨在奇
句誰賞文字因緣色香性識參入枯禪都
妄攢眉聽講待說到無生萬花齊放猶是
風塵披吟懸夢想

附存少文明經題詩

君不見巨靈轉軸秋山高森森古木棲
牛毛又不見奇峯插天九十九五老招
人日搖手斷崖絕壑生陰風苔衣凍綠
春蓬蓬寒山深處少人跡孤鶴昂藏天
地空瞻雲開士古行者畫梅絕技工陶

寫來與匡山結歲寒明月當頭鋤自把
孤山孤逋仙逋修梅子高名符詠香精
舍梅花屋認取廬山真面目心苗意蕊
即苦提幹濯靈根借飛瀑屏山九疊芙
蓉青小橋野店勞勞亭人生春夢孰長
短數聲鐵笛風冷洽我聞山中多勝跡
洞門龍化松千尺白蓮社散遠公歸紅
杏林深董仙逸詩書種子丹桂枝六賢
手植刊豐碑道人咒鉢有精意香雪晴
雲坐擁之噫嘻呼金輪月杯可喚龍湫
水圓可灌諸天花雨釀生香歡喜因緣
結羅漢十方世界本花花長安有樹新
萌芽羣芳一笑宿根純清癯色相非由
他萬本居然鼻功德放翁現化身千百
何年入社許投名
合向春風問顏色

掃地花用美成均同夢湘叔由作

蝟

下

信風乍歇又萬綠迷煙暮鵲聲楚斷雲颺
縷惹游絲暗逐落紅低舞靜掩閑門短夢
頻驚夜雨送愁去曲曲畫屏猶是愁處

芳意誰更許悵濺淚酬花餞春無路玉尊
翠俎問何人省識酒邊情素柳外斜陽倚
到危闌最苦漫延竚聽重城鬧晴簫鼓

和周之作皆用元刻清
真集與時本間有出入

還京樂用美成均訓叔問

又春去觸撥年時影事羞重理指袖中詩

卷古來一例精神空費看綠露無際芳菲
那逐餘花委問素月因甚滴遍方諸清淚
歎青尊底甚黃塵烏帽消磨不盡狂奴
疏俊氣味相期醉倒西園儘浮沈等閒瓜
李恁風懷消夢繞屏山歌翻井水怨抑誰
家遂聲聲如喚愁悴

附叔問舍人元作

夜吟起把鏡愁看短髮相對理歎好春
逢閨幾回夢裏題香詞費想鳳樓天際

蝶

游塵漲地東風委剩柳眼重見故國登
臨殘淚 過豐臺底奈無花無酒青春
作伴還鄉仍是客味誰憐別後吳皋暗
年芳付與行李數前踪空舞絮連天飄
燈在水縱有西山石能言還共凋悴

又叠均再訓叔問

話歸去又見扁舟散髮乘興理訪舊鷗西
磧定應笑客游情輕費裊醉吟天際三山
影落空波委向鏡裡重認舊日飄花殘淚

甚吳篷底款衣紉釵鈿浮名肯換淺斟
低唱雋味君看九陌黃塵枉低徊上林朱
李任倘佯還載酒尋香吹簫弄水坐對孤
雲渺無心休問榮悴

翠樓吟賦思村藤花

壓架塵輕攢枝蕊密流蘇障空如繪虛簷
生倒影看天矯龍蛇初蛻垂垂芳意正暝
日烘晴融風催霽疏簾外短歌誰按紫雲
低綴勝地重訪平泉看巷深門掩好春

蝟

猶麗夢吟佳句少幾辜負花陰沈醉闌干
間倚漫刺眼芳菲驚心榮悴商新味食單
同試漢宮酥膩

木蘭花慢長椿寺

刹那催世換向劫外認滄桑甚影幻人天
金銷木塔杷蝕宮黃興亡倩誰說與剩粥
魚齋鼓響虛廊畫裏慈雲宛在定中法雨
猶香詞場韻事幾回商懷古引愁長悵
傑閣煙蘿勝流星散春老苔荒淒涼石幢

斷影共飛花無語送殘陽山色凭闌不見
暮天吟思蒼茫

王漁洋登寺後妙光閣詩
不見西山色蒼茫雲外深

又淨業寺

湖光澄淨業話名蹟指西涯看斷刹迷煙
閉門映柳曲徑封苔清齋甚時結夏對白
蓮齊趁野風開吟思淡縈秋水暗塵輒隔
宮槐 經臺塵眼幾回指鷗鷺定應猜認
勝國林泉承平壇坵鈴語猶哀徘徊冷煙
落照好溪山何事帶愁來鰕菜扁舟未得

古亭休訪雲偃

蝟

又憫忠寺

去天才一握看閣亞石壇松問劫換支那
能消幾杵煙外疏鐘憫忠舊題翠墨試碑
尋貞觀暝雲封分得金仙淚點一齊彈與
東風 房櫳禪逕曲還通芳事到鞞紅帳
眼底春光吟邊古意并入愁濃孤筇等閒
倦倚算百年殘醉劇匆匆怕惹人天舊恨
鶴歸休話遼東

又聖安寺

梵天畱幻影又瑞像禮旃檀看松老鱗荒
亭虛鴿怖堆逕蒼煙冷然晚花漾雨算無
塵何處不空山吟到軒轅石鼎素雲高擁
詞仙流連陳迹扣禪關苔古蝕碑殘夏
誰認前朝影堂龍象原廟衣冠空壇似聞
鶴語悵低徊文字底因緣軼事漫徵大定
可游聊志長安

又花之寺

蛸

鳳城挑菜路記攜酒訪花之正雲見華鬢
香生蜀錦闌檻春遲支離倦游老眼祇年
年不負豔陽時未用疏鐘遠引玉驄自識
招提攀枝前事問誰知鄰遂莫輕吹歎
幾番開落鬢絲霜點吟袖塵緇天涯暗牽
別恨拂莓牆慵覓舊題詩贏得殘僧目笑
對花長是攢眉

又龍樹寺

晴簷飛絮雪認柳外幾停驂記春雨聽鶯

秋風送雁愁滿雲嵐澄潭一灣漲綠照十年吟鬢竟鬢鬢賦得蘭成枯樹半生哀樂深諳精監幽意共誰探萬葦綠方酣話選勝年時尚書朱履名士青衫疏簾暗迷舊影付空梁新燕語呢喃誰識長懷落落夕陽黃到樓尖

同治辛未潘文勤宴下第公車四十二人於龍樹寺

皆一時名勝也說者以擬臨胸相國萬柳堂己未禊飲

西河燕臺懷古用美成金陵懷古

均

蝟

游俠地河山影事還記蒼茫風色淡幽州
暗塵四起夢華誰與說興亡西山濃翠無際
劍歌壯空自倚西飛白日難繫參差
煙樹隱觚棱薊門廢壘斷碑漫酌望諸君
青衫鉛淚如水酒酣擊筑訪舊市是荆
高歌哭鄉里眼底莫論何世又盧溝冷月
無言愁對易水蕭蕭悲風裏

水龍吟分均賦白芍藥得後字

倚闌獨殿羣芳肯將顏色隨紅瘦冰壺凝

液玉杵承露蝶窺蜂逗壓架醅醖吹簾柳
絮影迷階登悵彩鸞信杳月斜煙淡知甚
處香來驟 歌舞揚州最好正春濃瓊花
開後含顰欲語將離有恨粉痕微皺和露
簪餘嬌分素靨酥凝纖手祇鬢絲老去西
園寂寞把韶華負

花犯集次珊厲齋用美成均爲叔

問錄別

問將離年年送客相看甚情味暗愁如綴

蝟

空冷落豐臺芳訊穠麗知君寂寞闌干倚
有人占鵲喜料此際夢香西崦離懷縈繡
被 高歌眼中覓何人天涯看此去凄然
愁悴春漸老輕紅逐暮鶉聲墜金荷底莫
嫌醉倒君不見年芳風雨裏算儘勝暮雲
停處情牽江上水

瑞鶴仙四月十日待漏作

玉階清似水看樹色千門建章初啟雞籌
報花底乍佩聲隱約曉光搖曳文書靜倚

記年時薇開正麗又槐陰坐到宵分回首
鳳池清泚龍尾百年曾見六合無塵万
方送喜觚棱望裏玉繩轉想澄霽祇春衫
舊影御溝愁照換了霜絲短悴漫低徊折
檻風高壯心漸已

綺寮怨

以疇文鶴公所書聯吟詞

卷屬叔問作感舊圖於後

卷中同人唯瑟公與余尚

無恙而十年久別萬里相

蛸

望歎迹傷離不能己己用

美成澀體以寫嗚咽

莫向黃壚回首斷歌催恨生聽燕語似惜
華年行吟處辭徑塵凝東風吹愁不去空
贏得淚墨懷袖盈憶舊游望杳孤雲人天
感歎息還自驚 想念素襟共傾闌干萬
里花前惜別同凭顧影伶俜剩華髮對山
青江關故人無恙試說與若爲情今宵酒
醒空梁月落處愁更明

點絳脣臨桂城東半塘尾之麓吾

家先隴在焉余以半塘自

號蓋不忘誓墓意也叔問

云蘇州去城三四里有半

塘彩雲橋是一勝跡宜君

居之異日必爲高人嘉踐

嘗擬作小詞記之盍先唱

數爲賦是解

水膩雲香吳城分半山塘路小橋西堍甚

蝶

日從君去無那浮生只向風塵住歸期

誤故山輕負投老知何處

琴調相思引西磧尋香圖爲叔問

舍人作

聞說移紅訪范村折梅清唱最消魂笑呼

白石簫外認前身花影暗迷釵底月水

香如接夢中雲煙波回首分得五湖春

玲瓏四犯叔由南歸用美成均雷

別依均詞之

簾底清歌又按到陽關淒感頑豔送盡餘
芳空憶笑桃春臉無語自醉東風爲底將
花零亂算衫痕鬢影輕換贏得落紅羞見
翠陰新展湘紋薦記尊前舊題清舊懷
人只有西山識相向長青眼千里共此夜
光定不隔關河更點願素心莫似雲意倦
輕分散

附叔由孝廉元作

佳日西園甚賦筆吟箋長倚哀豔一自

蝟

春深愁上柳眉桃臉誰念庾信生平別
意未歸先亂聽渭城舊曲偷換何處故
人還見 翠筵親展憑花薦對西山酒
波幽蒨高歌寂寞燕雲側千里應回眼
斜照向客漸收看送盡冥鴻急點歎古
來但有歡會局終須散

眉嫵戲叔問用石帚均連句

正春歸芳榭夢覺銀屏悽絕看花眼古微
細雨芹泥黥巢痕冷棲梁還妒新燕叔由

落紅乍歎話綵牋門巷增感半塘鎮贏得

點滴東風淚對芳醕慵暝古何限江湖

蕭散倚水雲蘆笛空寫柔翰由知否鷗盟

在三山北年時曾繫吟纜半去鴻數點算

後期攜手人遠古怕重過城南腸斷處驀

相見由

繞佛閣送夢湘用清真均連句

燭華夜歛孤客待發愁動荒館由吟趁宵

短漸看曉色稀微上虛幔半玉尊醑滿扶

蛸

醉上馬花外人遠古羌笛悽惋渭城罷唱

依依綠楊岸由落寞念行色鄭重征衫

慈母線半回首故人風花空溼面古定夢

繞觚棱銀漏催箭由旅懷誰見怕注目神

州絲鬢零亂半待歸來翠牋重展古

驀山溪感興用美成均

西園花委狼籍疑無路已是綠成陰夏鷺

人鶻聲處處疏簾窳地流影不禁風無一

語空延竚春又今年去新絃舊曲贏得

青衫雨厯落古今情儘消磨盲翁村鼓高
歌醉月凄斷倚闌心深杯舉孤光注愁入
雲千縷

吉了犯得仲兄書卻寄兄近貽我

大方廣圓覺經令一心受
持自可宣幽導滯毋爲是
鬱鬱也故末章及之用美

成均

畫檻倚流光暗移亂愁誰埽顛毛漸縞人

蝟

聞世夢迷清竊聯牀舊約聽雨何時虛堂
悄只山色孱顏瘦出干林表解餘醒共香
醪京國倦游望裏家山雲深松桂寫去
住兩自失幾腸斷齊烟小筭百計逃禪好
夢西行跣跡思證道怕對此茫茫佛日還
愁照辦蒲團且投老

丹鳳吟四月二十七日夜雨初霽

用清真均

忽漫驚颺吹雨夢破青綾寒侵朱閣苔深

愁滑芳徑頓迷重幙今朝昨夜寂寥誰訴
步影星搖歸情雲薄漫憶新題斷句展徧
紅箋吟思淒咽殘角太息壯心老去祖
生漸厭雞唱惡底處延朝爽怕驕陽猶是
山翠輕鑠玉梅風笛那優曲中催落夜色
沈沈誰與語賸淚珠成握書簾影事偏此
時記著

十二時用柳屯田均

正遙天亂雲吹散煩暑盈襟初洗記話雨

蝟

深宵離思漸逗虛堂秋氣樹色新宮濤聲
故國幾暗愁驚起誰念取杜老憂時付與
鏡中白平作髮離離垂耳消醉吟風塵滿

目泛泛虛舟不繫托命長鏡隨身短錫覓
遍埋憂地悄倚闌似夢風煙暗淡望裏
聽朱樓新聲乍換那解當歌深意拂斗槎
靈談瀛詩壯遠夢縈秋被怕種桑海上松
雲舊山輕奔

琵琶仙鐵丁爲錄桂林巖洞記用

白石均題後

簪帶尋盟悔輕負舊日親題雲葉佳約空
憶驂鸞南音自淒絕看一片江山畫裏惜
都付暮天鳴鳩五夜歸心三秋望眼知共
誰說漫贏得猿鶴空山悵煙雨年年誤
芳節拋斷故園松桂騰飄零榆莢燈影颭
烏絲細展有黛痕隱映殘雪又是殘醉天
涯司去勲傷別

鷓鴣天讀史偶得率成二闕

蝟

卅載龍門世共傾腐儒何意占狂名武安
私第方稱壽臨賀嚴裝促辦行驚割席
憶橫經天涯明日是春城上尊未拜官家
賜頭白江湖號更生

羣彥英英祖國門向來宏長屬平津臨歧
獨下蒼生淚八百孤寒愧此君傾別酒
促歸輪壯懷枉自託風雲劇憐彩鷁乘濤
處親見蓬萊海上塵

迷神引戊戌五日以瓣香清泉敬

祀三閭倚樂章譜迎神亦
九歌遺製也

萬古騷心沈湘恨佩影尚迷江渚
紉蘭樹蕙夢行吟處聳高冠曳長劍儼相遇
簫鼓龍舟發憶荆楚玉軼雲旗遠渺何許桂
酒椒漿潔共寒泉注又艾符搖榴花吐獨
醒人往卜居意憑誰訴薜蘿深猿狖嘯愁
延竚明月東門夜吟正苦空堂馨香薦淚
如雨

蝸

尉遲杯用美成均寄懷辛峯並酬

戴君玉生

東華路正黯黯遠目迷煙樹淒皇扇底驚
風誰障西塵來處江郎賦後都收拾離情
付南浦最無繆數遍飛紅好春零亂將去
還是夢裏揚州看楊柳河橋勝賞頻聚
暗水吹香雷塘晚渾不管流螢白舞花前
共啼鶯換拍悵淒咽瓊簫獨夜語是何時
一舸相攜醉吟同訪仙侶

青玉案夢中得句云是咏簾詩也

醒而憶其三語云東風吹
愁水痕直小瓊壓浪湘紋
碧簾底盈盈吹恨聲以久
不作詩戲演其意爲長短
句此調向叶上去上諧婉可
誦偶以入聲譜之音節殊
不類恐不免轉折怪異之
譏矣

蝟

小瓊壓浪湘紋碧顧隻影鴛幃寂吹盡東
風愁似昔暗塵不起篆煙將息簾底波痕
直 盈盈遠恨輕吹出玉遂聲殘黛螺溼
彈斷鮫珠無氣力小屏山路西江水驛欲
問誰知得

蕙蘭芳引叔問瀕行用美成秋懷

均留別以起調鶯均適

符余字也依均寄訓凄

澀之音恰與離懷相發

空外翰音更無翼解騫孤鷺看燕燕鶯鶯
酣舞亂紅敗綠舊游漫省想月色還明華
屋問照花倩影記否吟邊絲竹 湧鏡晴
瀾縈巾秋雪管甚寒燠塵生絃柱休問往
時法曲川途牢落定驚換目誰更憐日暮
袖羅幽獨

浪濤沙慢用美成均寄酬兩人梁

山

畫闌外雲停枉渚日淡層堞芳事西園又

蝶

性

發新聲蜀道換闌乍海燕歸來心似結故
人遠萬里離折想聽雨高齋耿遙夜孤吟
定愁絕 淒切小屏靜倚寥濶對莽莽河

山新亭淚欲語先暗咽嗟酒醒天涯何止
傷別舊歡漸竭消綺懷空負梅邊風月入
手愁生蠻箋疊年芳晚暮鶻未歇鳳簫冷
圓靈終恨缺倚金縷欲寄相思望一白曉

曉夢怯蛾眉雪

空水鏡 鷓鴣天續讀史吟補錄端午次日

作

屬國歸來重列卿，楊家金穴舊知名。似傳
重訂冰山錄，那得長謠潁水清。仙仗入
函書，傾空令請劍。壯朱生，好奇事。盡歸方
朔殿，角微聞。敏首聲。

太常引

綠槐蟬咽午陰趨，殘夢尚娑娑。不是愛娑
娑，這幾日風多雨多。迎涼散帶，消憂擊
柱，醉醒一行窩。攬鏡意蹉跎，歎白髮催人

幾何

蛭

收

念奴嬌 同理臣古微觀荷葦灣用

白石闌紅一舸均

涉江舊徑又翩然，一棹重攜吟侶。難得鷗
邊盟未改，香影紛無重數。初日詩心，野風
花氣，涼沁宵來雨。紅衣驚墜，斷腸愁詠新
句。遲暮自惜清歡，餘情煙水，官逐輕塵
去。高樹晚蟬嘶未已，聲亂蒹葭汀浦。陳跡
雲迷，好游人老，誰挽流光住。扁舟歸興，綠

榕湖上波路

月華清雨夜讀枚如詞話所載林

侯邨鄧嶢筠沙角眺月詞

意有所感依均成此窗外

檐聲正瀟瀟未已也

螺島浮青蜃煙消紫年時光景無際雨憇
風儼那復淒迷堪此泛深杯喝月情豪倚
短策倦游人醉前事是幾回圓缺頓乖吟
思誰弄鮫珠夢裏任碧海塵飛影搖煙

蝸

卅

市錦瑟絃空回首桂輪香細湖銀瀾秋汎
初生剩翠被雨聲驚睡澄霽歎謝郎枉賦
月明千里

塞翁吟風雨時至溽熱如炙綠杉

見投新詠率賦以當報章

昔紫霞翁論擇腔謂此調

衰颯戒人毋作然邪許相

勞與興會感舉者聲情自

異得失之故願與綠杉相

尋於絃外也

萬木酣風處空際暮色蕭森暗雨氣小樓
陰聽高下蟬吟雷聲忽送千山響驚破眾
竅如暗看一霎斷雲沈卷舒本無心清
琴商歌歇苔痕細數香徑杏前游重尋任
逐熱長安襍襪自高臥世覓羲皇散髮抽
簪濃霧未解望裏懸知猶鬱疏襟

醉花陰 姬人抱賢嗜誦宋元人小

詞夏夜燈火不可親偃臥

蛸

北窗令回還循誦時復入

聽亦迎涼幽致也

臥聽清吟消篆縷抵得紅簫否香挹素馨
微方麴疏簾不辨涼生處老懶心情渾
漫與剩訂花間譜學道未應妨笑問維摩
可是朝華誤

還京樂 用美成均和古微

雨初霽檻外雲羅萬疊誰爲理歎賦情蕭
瑟空教庾信江關詞費正暗愁無際驚秋

一葉青桐委筭客燕花底濺慣傷時淒淚
向銅荷底儘殷勤商略空憐減盡聞雞
中夜興味漫漫海上紅桑怕春城笑人桃
李甚閒情還碧訝看朱雲誇鍊水鄭重傳
宮譜新聲爲起凋悴

八聲甘州九日十詒籥小集

倚西風天宇乍澄清深杯未須辭把茱萸
笑插多情破帽此意應知記否滿城風雨
吟思幾禁持漫訝秋容淡香冷東籬 羸

朔

得今年身健歎素心相對莫遣輕違看江
湖鴻雁弄影正南飛任低徊牛山淒淚筭
酒邊愁抱古今稀秋堂靜話登臨處醉眼
猶迷

水龍吟戊戌小除夕己亥春夢湘

約同作

歲寒禁慣冰霜隔年翻訝春何早錦旛颭
處玉梅香裏酌春一笑春遣儂愁儂將春
負悶懷丁倒算重城煙景花明柳媚原未

覺繅華少 大塊文章誰假占春先翠蛾
兒鬧番風無賴催完芳信優催人老金埒
游情玉壺吟思莫教閒了看忘情彩勝盈
盈弄影向釵梁裏

蠶

昨

益義線向燈架裏

繅計玉壺吟思莫教閒了看忘情彩勝盈
盈弄影向釵梁裏
大塊文章誰假占春先翠蛾

